

Pendidik yang dihormati,

**Per: Jemputan untuk Menyertai Ujian DQ Multinasional**

Saya mewakili pasukan penyelidik dari Institut DQ dan ingin menjemput sekolah anda untuk menyertai Ujian DQ (Ujian multinasional kami. Melalui kerjasama dengan Pakatan DQ yang lebih luas yang terdiri daripada Forum Ekonomi Dunia (WEF), Pertubuhan Kerjasama dan Pembangunan Ekonomi (OECD), Universiti Teknologi Nanyang (NTU), dan beberapa buah universiti terkemuka dunia yang lain, Ujian ini telah direka untuk memahami kehidupan digital peserta kami: bermula daripada tabiat masa skrin, hingga pengetahuan isu digital seperti jejak digital, serta pendedahan kepada risiko siber tertentu.

Media dan teknologi digital sentiasa berkembang dengan pantas, membawa bersama peluang luar biasa serta risiko sebenar kepada semua. Kita sedang menyaksikan di seluruh dunia, kanak-kanak menggunakan kuasa Internet dan teknologi mudah alih yang sangat besar untuk meneroka, berhubung, mencipta, dan belajar dalam cara yang tidak pernah dibayangkan sebelum ini. Walau bagaimanapun, penyelidikan kami mendedahkan bahawa risiko siber merupakan risiko sistem yang dihadapi oleh kanak-kanak dalam talian. Jika dibiarkan tanpa panduan, kita membiarkan anak-anak kita terdedah kepada isu buli siber, kecurian identiti, dan penggodaman tanpa kemahiran yang diperlukan untuk mengurus dan mengurangkan risiko-risiko tersebut.

Bagi memperkasakan kanak-kanak di seluruh dunia dengan kemahiran-kemahiran ini, kami mencipta Kecerdasan Digital (DQ): gabungan keupayaan teknikal, mental dan sosial yang penting untuk kehidupan digital (<https://www.dqinstitute.org>). Melalui penyertaan mereka dalam Ujian ini, pelajar anda akan dinilai prestasi mereka berdasarkan 8 keupayaan asas Kewarganegaraan DQ: pengurusan masa skrin, pengurusan privasi, pengurusan buli siber, identiti warga digital, pengurusan jejak digital, pengurusan keselamatan siber, pemikiran kritikal, dan empati digital.

Sebagai sebahagian daripada penyertaan anda, sekolah anda akan menerima Kad Skor DQ yang menunjukkan purata Skor DQ awal pelajar dan pendedahan mereka kepada risiko siber berbanding purata kebangsaan. Tiada penyertaan minimum, namun **kami sangat menggalakkan sekurang-kurangnya 50 orang pelajar melengkapkan Ujian bagi mendapatkan keputusan yang tepat yang menggambarkan keupayaan digital pelajar-pelajar anda.**

Penyertaan dalam Ujian ini adalah secara sukarela dan percuma sepenuhnya. Hanya perlukan pelajar anda yang berumur antara **8-18 tahun** untuk melengkapkan **55 soalan** ujian dalam talian bagi menyertainya. Ujian ini akan mengambil masa kira-kira **30 minit** untuk diselesaikan. Tarikh akhir penyertaan ialah pada **30 November 2018**.

Penyelidikan kami telah diluluskan oleh NTU Institutional Review Board di Singapura, dan kami memberi jaminan bahawa semua maklumat adalah semata-mata rahsia. Jika anda mempunyai pertanyaan berkenaan Ujian, sila hubungi [irb@ntu.edu.sg](mailto:irb@ntu.edu.sg).

Terima kasih atas pertimbangan anda, dan kami mengharapkan penyertaan sekolah anda dalam Ujian DQ.

Dr Yuhyun Park

Ketua Penyelidik, Penyelidikan DQ  
Pengasas Institut DQ